
ФАРҶОНАДА ПОЛИЭТИЛЕН ПЛЁНКА ИШЛАБ ЧИҚАРИШ БОШЛАНДИ

Фарғона шаҳридаги Ўрмончилар МФЙда жойлашган кичик саноат зонасида тадбиркор Отахон Хайруллоев ташаббуси билан полиэтилен плёнка ишлаб чиқариш корхонаси қуриб битказилиб, бугун фойдаланишга топширилди. Корхонанинг очилиш тадбирида вилоят ҳокимининг ўринбосари Иқболжон Эргашев иштирок этди.

“Sinobeacon” МЧЖ томонидан амалга оширилган ва қиймати 12 миллиард сўмга тенг бўлган ушбу лойиҳа натижасида вилоятимизда жаҳон стандартларида полиэтилен плёнка ишлаб чиқариш йўлга қўйилди.

Корхонада эни 1 метрдан 12 метргача бўлган, қалинлиги 10 микрондан 120 микронгача плёнкалар, 120 микрондан 200 микронгача асфальтости ва сув иншоотлари гидроизоляциясида фойдаланиладиган геомембрана қопламалари, шунингдек, термоқадоқлаш плёнкалари ишлаб чиқарилади.

Маҳсулотлар асосан ички бозорга йўналтирилиш билан бирга, Қирғизистон, Тожикистон ва Қозоғистонга экспорт қилиш ҳам режалаштирилган.

Корхона тўла қувватда кунлик 36 тонна маҳсулот тайёрлаш имкониятига эга. Ҳозирги кунда 40 та янги иш ўрни яратилган, йил якунига қадар яна 30 нафар ёшларнинг бандлиги таъминланади.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-08-13 21:23:07